

浙江圖書館叢書 第一集

卷之四十五

浙江圖書館叢書第一集

新唐書各外國

傳地理攷證

中華民國四年浙
江圖書館校刊

新唐書突厥傳地理攷證

仁和丁謙益甫氏學

突厥阿史那氏蓋古匈奴北部也居金山之陽臣於蠕蠕種裔

繁衍至吐明遂強大更號可汗猶單于也妻曰可敦其地三垂

薄海南抵大漠其別部典兵者曰設子弟曰特勤原作特勒誤今據唐元宗

書闕特勤碑及魏楊銜之洛陽伽藍記元耶律鑄雙溪醉隱詩注將本書特勒字盡行更正大臣曰葉護曰

屈律啜曰阿波曰侯利發曰吐屯曰侯斤曰閻洪達曰頡利發

曰達干凡二十八等皆世官無員限可汗建廷都斤山牙門樹

金狼頭纛坐常東向隋大業之亂始畢可汗咄吉嗣立華人多

往依之契丹室韋吐谷渾高昌皆役屬之寶建德薛舉劉武周

梁師都李軌王世充等亦臣事焉控弦百萬戎狄之盛古未有

也。高祖起太原，遣司馬劉文靜往聘，始畢，以兵來會。帝平京師，遂恃功驕橫。二年，始畢自將度河，至夏州，與梁師都合。又佐劉武周入句注，將侵太原。會病死，立其弟俟利弗設爲處羅可汗。復妻隋義成公主，又潛通王世充，復迎隋蕭皇后及齊王子正道於寶建德所，因立正道爲隋王，居定襄。秦王之討武周也，處羅以騎二千會并州，多所虜掠。明年，謀取并州，置楊正道卜之不吉而止。處羅死，以子弱，更立其弟咄苾爲頡利可汗。又妻義成，以始畢子什鉢苾爲突利可汗，使居東。或說頡利宜立正道，以報隋德。頡利然之。四年，與苑君璋合寇雁門，擊卻之。由是侵代州，畧河東，犯原州。定襄王李大恩敗沒，至忻州，爲李高遷所破。頡利未得志，乃率十五萬騎入雁門，犯并州，畧汾潞。原靈於

是太子建成與秦王率諸將分道出擊。頡利聞之，引出塞。王師亦還。七年，攻原朔二州，入代地，不勝。更攻隴州及陰槃城，分擾并地。秦王與齊王元吉屯幽州以備。八月，頡利與突利兵悉起，自原州連營而南。所在震恐。秦王軍次幽州，可汗奄至，焮失色。秦王馳百騎掠陳，以大義責之，稍卻。乃縱反間，突利遂不欲戰。頡利不能強，因遣使請和。八年，頡利攻雲朔，敗張瑾兵於大谷。遂攻廣武，爲任城王道宗所破。九年，寇原靈，圍涼州。進涇原，李靖與戰於靈州，虜引去。將軍柴紹又破之。秦州七月，頡利自將十萬騎襲武功。京師戒嚴，尉遲敬德敗之於涇陽。頡利遣謀臣執失思力入朝覘我。太宗繫之門下省，乃與六騎出元武門，幸渭上，與可汗隔水語，且責其負約。羣酋見帝，皆驚下馬拜。俄眾

軍至旗鑑光明部隊嚴整虜大駭帝與頡利按轡卽麾軍卻而陳蕭瑀以帝輕敵叩馬諫帝曰我思熟矣突厥掃地入寇以我新有內難謂不能師我若闔城彼且大掠吾境故我獨出示無所畏又盛兵使知必戰蓋我已沮其始謀彼旣深入懼不能返故與戰則克與和則固制賊之命在此是日頡利果請和翌日刑白馬與盟於便橋而退蕭瑀曰頡利之來諸將多請與戰陛下不聽旣而自退何也帝曰突厥眾而不整君臣惟利是視可汗在水西而酋帥皆來謁我我醉而縛之甚易又我敕長孫無忌李靖潛師幽原誤幽州以待若大軍躡其後伏邀諸前取之如反掌耳然我新卽位爲國要貴安靜一與戰殺傷必多彼敗未及亡懼而脩怨奈何今啗以玉帛其志必驕驕則亡之端也故

曰將欲取之必固與之。瑀再拜謝不及。貞觀元年薛延陀回紇拔野古諸部皆叛。使突利討之。不勝而走。頡利怒囚之。突利由是怨望。是歲大雪。羊馬多凍死。人饑懼。王師乘其敝。反引兵入朔州地。聲言會獵。議者請伐之。帝不從。明年突利自陳爲頡利所攻求救。詔將軍周範壁太原經畧之。時頡利委信華人趙德言。斥遠宗族。歲歲興師。下不能堪。又號令無常。歲大饑。斂稅苛重。諸部愈貳。又明年屬部薛延陀自稱可汗。以使來。詔尙書李靖擊虜馬邑。頡利走。九俟斤以眾降。拔野古僕骨同羅霫奚諸部皆來朝。於是詔李世勣等六總管師十餘萬分道出。皆受靖節度以討之。任城王道宗戰靈州。俘獲萬計。突利以下諸酋多來奔。四年正月。靖自馬邑進屯惡陽嶺。夜襲定襄。破之。頡利驚

退牙磧口。大酋康蘇蜜等以隋蕭后及楊正道降。頡利窘走保鐵山。遣使請內屬。詔鴻臚卿唐儉等持節撫慰。靖知儉在虜所虜必心安。乃襲擊之。盡覆其眾。頡利走爲副總管張寶相所禽。沙鉢羅蘇尼失等降。其國遂亡。思結部以四萬眾降。伊吾城長舉七城來歸。因以其地爲西伊州。漠南地遂空。自頡利亡。其下或走薛延陀。或入西域。而來降者尙十餘萬。帝主溫彥博議度朔方地。自幽州屬靈州。建順祐化長四州爲都督府。剖頡利故壤。左置定襄都督。右置靈州都督。以統之。擢豪酋爲將佐。又以突利可汗爲順州都督。率其下就部。

突利初爲泥步設。頡利之立。以爲小可汗。主契丹靺鞨等部。樹牙南直幽州。東方之眾皆屬焉。突利斂取無法。下不附。故薛陀

陀奚霫皆內屬。頡利遣擊之，又大敗。頡利囚捶之久，乃釋。突利嘗自結於太宗，及頡利衰，徵其兵不應，因相攻。突利遂入朝，封北平郡王，順州都督。後入朝，死道中。子賀邏鶻嗣，其弟結社率謀叛，誅。赦賀邏鶻，投嶺外。於是羣言處突厥於中國非是。帝乃立阿史那思摩爲可汗，樹牙河北，悉徙突厥還故地。

思摩，頡利族人，始啟民奔隋，磧北諸部奉思摩爲可汗，啟民歸國，乃去其號，性開敏，善應對，始畢處羅皆愛之。武德初，數以使來，高祖封和順郡王，及諸部納款，思摩獨留，與頡利俱禽。太宗以爲忠，授右武侯大將軍，化州都督，統頡利故部居河南。徙懷化郡王，將行，畏薛延陀，不敢出塞。帝遣使賜薛延陀書，約磧以北延陀主之，以南突厥主之。思摩乃行。十五年，始度河，牙於故

定襄城其地南大河北白道畜牧廣衍龍荒之最壤思摩居三年不能得其眾下多攜背思摩慙因入朝願留宿衛從伐遼還京師下思摩既不能國眾遂南徙車鼻可汗乃盜有其地

按車鼻所根據在金山以北卽今科布多鎮城地與雲中定襄相距五六千里不能盜而有之及其平後所降部眾安插於鬱督軍山在今賽音諾顏部境相距亦遠難以盜有若云盜有其地在爲小可汗時年代尤不相符總之宋氏不明地理好逞臆斷故動輒錯誤

車鼻亦阿史那族突利部人也世爲小可汗頡利敗投薛延陀爲人沈果有智數薛延陀畏逼將殺之乃率部遯去至金山北三垂斗絕惟一面可通行壤土夷博卽據之稱可汗距長安萬

里西葛邏祿北結骨皆并統之時出掠薛延陀人畜延陀後衰
車鼻勢益張二十一年遣子沙鉢羅獻方物且請入朝帝遣使
往迎之至則偃然無入朝意使者謀共劫之爲所覺均死帝怒
遣郎將高侃發回紇僕骨兵擊之其酋長皆降侃師攻阿息山
部下不肯戰車鼻從數百騎走追至金山獲之獻俘京師高宗
釋而官之處其眾鬱督軍山詔建狼山都督府統之其子羯漫
陀後亦降建新黎州領其眾於是突厥盡爲封疆之臣矣始置
燕然都督府於古單于臺領六都督七州後改燕然爲瀚海都
護府領回紇徙故瀚海府於古雲中城號雲中都護府磧以北
蕃州悉隸瀚海以南悉隸雲中稱單于大都護府凡三十年北
方無戎馬警至調露初單于府大酋溫博奉議二部叛二十四

州應之。詔蕭嗣業等討之。反爲所敗。更拜裴行儉爲大總管。率諸將戰黑山。破平之。溫博餘眾立頡利子伏念爲可汗。寇原慶二州。復詔行儉往討。行儉縱反間使自相貳。因擊敗之。伏念北走保金牙山。行儉遣兵襲執之。伏念旣敗。有骨咄祿者收亡散保總材山。又治黑沙城。自稱可汗。寇畧并定。媯蔚諸州。後入朔州。爲黑齒常之。擊敗於黃花堆。遂遁過磧。天授初死。弟默啜稱可汗。始攻靈州。武后遣十八將軍討之。無功而還。會契丹反。默啜請擊賊自效。詔封可汗。未命。又叛。自後盜邊無虛歲。中宗初。張仁愿爲朔方大總管。始築三受降城於河外。障絕寇路。元宗時。攻北庭。都護郭虔瓘擊破之。初。景雲中。默啜西滅娑葛。遂役屬契丹。因虐用其下。旣年老。愈昏暴。部眾怨畔。款邊內附者不

絕虜勢衰。默噶討九姓拔野古，戰於獨樂河，拔野古大敗。默噶歸，不爲備。道大林中，拔野古殘眾突出，擊默噶，斬之。傳首京師。骨咄祿子闕特勤，合故部攻殺小可汗及宗室，畧盡，立其兄默棘連爲昆伽可汗。

默棘連初爲小殺。

殺卽設也。

性仁友，以立非己功，讓於闕特勤。特勤

不受，遂嗣位。時開元四年，以闕特勤爲左賢王，專制其兵。召舊臣噉欲谷與謀國。噉欲谷年七十餘，眾尊畏之。時命大總管王峻統拔悉蜜奚契丹軍分道進討。默棘連懼，噉欲谷曰：「拔悉蜜居北廷，與東二部相距遠，必不能合。且峻與時相隙，亦必不來。夫拔悉蜜輕而好利，當先至，擊之可取也。」俄拔悉蜜果逼突厥牙，知峻等不至，乃引卻。突厥欲擊之，噉欲谷曰：「千里遠，出土必

死鬪鋒不可當。不如躡之，邀便而取。距北廷三百里，分兵由它道襲其城，卽急擊破之，走無所歸。悉爲所禽，於是掠涼州，敗元澄軍。突厥遂大振，盡有默啜餘眾。明年固求和，許之。會天子東巡泰山，中書令張說謀邊備，謂突厥雖請和，恐難信。且其汗仁而愛人，下爲之用。闕特勤善戰，曠欲谷老而智。李靖世勦流也，如其乘隙，何以禦？兵部郎中裴光庭請召其大臣入衛，乃遣使喻意。默棘連遣大臣阿史德頡利發入獻，遂從封禪。自是比年遣大臣來朝。十九年，闕特勤卒，遣使弔祭。帝爲刻辭於碑，仍立廟像，圖其戰狀於壁。默棘連屢請婚，帝乃許之。俄爲其下所殺，國人立其子爲伊然可汗。伊然立八年卒，凡遣使朝者三。其弟嗣立，冊爲登利可汗。時可汗幼，其母與小臣旣斯達干亂，遂預

政登利從父分掌東西兵號左右殺可汗與母誘斬西殺奪其
兵左殺懼攻登利殺之自後部內大亂連立五可汗均被殺其
國遂爲回紇所有突厥有國始於西魏大統時至是滅其地盡
入回紇初其族有分國於西者曰西突厥

西突厥其先訥都陸之孫吐務號大葉護長子曰土門伊利可
汗次子曰室點蜜亦曰瑟帝米其子曰達頭可汗始與東突厥
分烏孫之地而有之東接東突厥西雷霧海南疏勒北瀚海直
京師北七千里由焉耆西北七日行得南廷又北八日行得北
廷與都陸努失畢歌邏祿處月處蜜伊吾諸種相雜初東突厥
木杆可汗死舍子大邏便立弟佉鉢可汗佉鉢可汗先戒其子
菴羅必立大邏便國人因其母賤卒立菴羅菴羅後以讓木杆